



## Schätzeli

**Text: Hans Jürg Zingg**

**Melodie: Volkslied-Potpurri (erste Sequenz nach einer Idee von Edwin Peter)**

**Begleitimprovisation: Edwin Peter**

o du zfridni nuudle  
o du liebi moore  
o du mys härzige schätzeli mys

fröisch mi  
treisch mi  
schteusch mi uuf  
brönnsch mi  
bringsch mi um e schnuuf  
gäbs di nid du liebe siech  
weiss i nid was i miech

gsächs nümm plastisch ohni di  
wett am liebschte gstorbe sy

nei was bisch du für ne frou  
blutt oder nid bisch e schou  
wen i dra dänke de  
pöpperlets grad bim hoseladema  
de wett dr joggeli scho ufsta  
joggeli wott ga d birrli schüttle haut  
wott ga beeri suechen im waud

los froueli frou i ha di gärn ha di gärn  
me aus irgendöpper uf däm schtärn  
du bisch eifach es cheibe meiteli  
säg schnäu hesch mi o gärn  
hesch mi geng no gä

los darf di no küsse  
werum tuesch kei wank  
i wetts äntlech wüsse  
chum mach mi nid chrank

i ha di gfragt du lumpegschir öb d geng no mit mer göngsch  
i ghörtis schourig gärn vo dir dass d geng no uf mer schtöngsch

los schatz  
i säge numen eis  
syg jitz ehrlech  
mach nid so ne meis

wotsch nid  
de lasch es haut la sy  
de ischs mit üs vrby  
de läck mer doch du chue  
de blas mer vou i d schue  
de de de de de

chasch mi gärn ha  
chume nie me  
wott di nümm gse

was hesch de gseit  
du hesch mi no  
du hesch mi geng no  
trotzdäm no

du schteisch uf mir  
ischs ehrlech wahr  
ja tarf is gloube  
ohni gfahr

i bi parat  
i chume grad  
i –  
weisch wi das da innenache tuet

weisch wi das glöggelet im bluet  
weisch du wie di wöhli won i ha  
wider mit der zga

du totschi du schätzli  
du chrottli du spätzli  
du zimetigs schätzli  
du wäutsbombechätz

du häsli du müüsli  
du schnäggli du lüüsli  
chum zue mer i ds hüüsli  
u gi mer e muuuuuuntsch

(1977)